

宋

詩

拾

遺

宋詩拾遺卷十三目錄

盧 秉 一首

李長民 一首

胡舜陟 四首

李大異 二首

張 芻 一首

唐 介 一首

王之道 二首

呂渭老 一首

郭仲敬 二首

林嗣宗 一首

歐陽麟 一首

倪 濤 一首

任大中 一首

周惇頤 五首

張方平 四首

徐安國 七首

陳崇古 一首

陳一齊 三首

賈安宅 一首

洪 皓 一首

李處權 一首

任斯庵 一首

趙 企 一首

趙東林 一首

胡寅四首

陳東二首

王奕一首

毛升三首

王汝舟一首

鄧溫伯一首

張舜民二首

李師道一首

沈偕一首

王珩一首

汪思溫一首

宋詩拾遺卷十三

錢塘陳世隆彥高選輯

盧

秉

字仲甫蘇臺人元豐初提點兩浙刑獄

題驛舍

青衫白髮病參軍
旋糶黃糧買酒尊
但得有錢留客醉
也勝騎馬傍人門

按蔡寬夫詩話云盧龍固秉少豪逸熙寧初遊京師
久不得調嘗作此詩荆公一見曰此定非碌碌者即
薦用之蓋前此未嘗相識也

李長民 字元叔

宣和元年舉博學

題一擊軒

我聽風篁是梵音如何俗耳等聞聞自來擊處無人會
千古知心只此君

胡舜陟 字汝明績溪人大觀中進士官至修撰

白水寺

雨過川原淨山寒草木疎暮鐘鳴古寺行客解征裾馬
祖留遺跡浮丘傳異書誰能尋勝槩來往謾紛如

風雨走長道雲山憶故廬知還慚倦鳥真樂羨遊魚野

燒痕將沒新秧隴已鋤桂林在何許
息馬見春餘

滑石泉

奔走塵沙五十程
泉聲今夜響冷冷
明朝畫鼓催征騎
不使行人仔細聽

題靜江府枕流亭

平生壯志在燕然
投老南征未息肩
鼉窟發機端可笑
暫休戎馬弄潺湲

李大異

欣欣亭

門外青山收暮雨，林間歸路出行人。
鷓鴣勸我早歸去，擬斫釣筒收紫筠。

雨露汪洋四海春，嶺南嶺北多歸人。
朝中賢士罕過此，莫惜青錢呼白鱗。

張 芻

靜照堂

携李舊禪扉，叢林自翠微。
寺居天外靜，僧向日邊歸。
野水涵齋几，閒雲宿釣磯。
庭前祖來意，誰為相依依。

唐 介

渡淮

聖宋非狂楚，清淮異汨羅。平生仗忠信，今日任風波。舟楫顛危甚，魚龍出沒多。斜陽幸無事，活酒聽魚歌。

王之道

蒙城早行

衣月千家閉，荒城萬木號。舉頭華蓋近，回睇啟明高。野迥霜迎面，風清冷透袍。十年河上路，從此步金鰲。

湘山寺

灑溪磴碧見師心，我欲窮源無處尋。萬壑秋風酬夜詠，一

犁花雨發春吟何妨契濶三年別却得留春半日陰
竹外小桃開也未靈雲應已久披襟

呂渭老 一作濱老字聖求嘉興人宣和末朝士

傷世

塵斷征車沓雲低毳帳深古今那有此天地亦何心

郭仲敬 字時茂太醫院使

與周思伯明上人集慶善禪房

可怪蓮花字相將倒玉瓶設來雲吐偈煮罷石為心鳥
過花陰亂龍歸海氣腥長齋呼米汁應見佛眉青

壽凌元春宗伯六十

舊是瑤階玉笋班
早乘白鹿出人間
朝依漢殿參元典
煉夕護仙爐
陳大選
三月崆峒傳帝籙
千年姑射駐童顏
馬家仙井家園在何事
青牛遠渡關

林嗣宗

老人岩

九月黃花次第開
帶星約客上崔巍
擬從老子岩前去
却入真仙洞裏來
幸免西風吹落帽
且陪東道引深盃
箇中便見蓬萊境
何必龍山戲馬臺

歐陽麟

狀元峰

一峰高聳上參天地勢
鍾靈出狀元
雪霽乍疑抽紫笋
雲開忽見吐青蓮
平明遠捧金烏小
薄暮高擎玉兔圓
獨羨唐家賢父子
芳名留得後人傳

倪

濤

字巨濟廣德人大觀中進士官至員外郎

偶訪吉甫畫三蠅壁間吉甫有詩次韻

何人刻獼猴老眼觀荆棘
不如丹青手快意風雨集
我窮坐詩豪九鼎扛筆力
偶然一點悞著紙生羽翼
千言

走虬蟄靈為寸紙，逼還當寫君詩什。
藪同藏羅。

任大中

送永倅周啟叔還居濂溪

君去何人最淚流，老翁身獨宿南州。
隨君不及秋來雁，直到瀟湘水盡頭。

周惇頤字茂叔營道人

大林峯

三月山房暖，林花互照明。
路盤層頂上，人在半空行。
水色雲含白，禽聲谷應清。
天風拂襟袂，縹緲覺身輕。

又

公程無暇日，暫得宿清幽。
始覺空門客，不生浮世愁。
温泉喧古洞，晚磬度危樓。
徹曉都忘寐，心疑在沃洲。

濂溪港

潺湲來數里，到此始澄清。
有龍不可測，岸木寒森森。
吾樂蓋易足，名濂朝暮箴。

香林寺別虔守趙公

公暇頻陪塵外遊，朝天仍得送行舟。
軒車更共入山脚，旗旆且從留渡頭。
精舍泉聲清灑灑，高林雲色淡悠悠。

談終道奧愁言去明日瞻思上郡樓

零都遊羅田巖

聞有山巖即去尋身躋雲外入松陰雖然未是洞中境
且異人間名利心

張方平

送沈生昆弟隨侍之博白

炎方景象異中原海氣昏昏雜障烟今日荒夷成雅俗
薰風南播自媽絃

不須南浦懷消黯好過西山訪隱淪叱到嶺時應近臆

相思可寄一枝春

待東連海道徹扶桑北望神皋斗柄傍
兩處音塵杳難接

征鴻歲只到衡陽

侍夕陽踈輦暮江湄秋色蕭蕭動客思
自是嚴君領州去

豈同騷客夢邊時

徐安國字春渚人

紗庭觀 三首

玉笙聲絕瑤池杳桂殿風生幾度寒
空使時人慕雞犬
掃除槃鼎舐遺丹

雲耕不許折鐺追太白遺詩人亦疑千載何人為湔沸
謝家春草又生池

槐覆星壇惟舊跡土埋丹鼎不知時刻舟何處長生路
回音海山空賦詩

橫州古鉢山

羣嶺中推古鉢尊山川羅列掌中存亭臺突兀聖婆廟
丘垤逶迤山子村

橫州寶華山

秀出城南號寶華翠微深處衲僧家百年臺殿煇煇燼

一逕蒼苔點落花

橫州龍池

為谷為陵事已非
靈源漚澤發光輝
有時風雨連邨暗
夜半龍遊古鉢歸

橫浦

暑風披拂障烟收
獨倚危樓豁遠眸
萬壑山圍城堞古
一灣江抱海槎浮

陳崇古

湘山寺

三月途行泥濺裳倦投山寺
憇僧房道人休設伊蒲供
只乞清心一瓣香

陳一齋字

永嘉人

送劉蒙川

春草征帆遠
春江落日程
瘴鄉官是客
儒服老談兵
海濶龍無影
山空鳳不鳴
梅花東閣路
悽斷故人情

谿亭次汪桐陽

空亭明遠嶂
老樹黯餘曛
野興臨流坐
秋聲入夜聞
漁歸孤棹月
鶴睡一松雲
記得前溪路
人家兩岸分

維揚懷項朴菴

長缺悲彈負壯遊京華倦客又揚州
西風昨夜他鄉夢
明月故人何處樓
石塔鐘殘楓葉暝
瓜州棹遠荻花秋
幽窓一點寒燈影
徙倚闌干生暮愁

賈安宅

字居仁烏程人大觀己丑狀元及第歷任三朝累司文柄歲宗嘗手詔獎諭

茗溪

廣茗山下有深源發此清流去不渾
直抵太湖三百里
滔滔分入海天門

洪皓

字光弼鄱陽人諡忠宣

奉使留金金臣悟室求詩口占漫答

久持使節傍門庭，薄命猶賒五鼎烹。
羝乳何心占北海，雁書隨夢到京城。
莫言地廣頻修怨，應念民勞早戢兵。
國寶善鄰君寶信，坐膺難老早昇平。

出使懷母

獨活他鄉已九秋，剛腸續斷更剛留。
曾知老母相思子，沒藥醫治白盡頭。

使還途中作

燕山除館俯池潭，踰月羈孤苦吏貪。
遙望盧溝一舍阻，

著鞭信宿過閩南

李處權

字巽伯洛陽人柳鄂公淑之後宣和間與陳叔易朱希真以詩名南渡後嘗領三衢

送二十兄還鎮江

此行檢校幽棲事佳處知公故未忘新笋豈應過母大
舊松想已及人長老來對客須靈照貧後持家藉孟光
世亂身危何處是二年孤負北窓涼

任斯菴

鳳凰臺

只為羊車戀靚粧倉皇合殿燭無光宮中不解嫁鸚鵡

臺上安能來鳳凰

趙企

題顯孝南山寺

背日西來眼界明，隔溪遙見梵王城。
旌旂夾道蔽山影，笳鼓入林間谷聲。
青鳥向人疑有意，白雲迎客不無情。
夕陽臨水共歸去，明日紛紛塵事生。

趙東林

金精歌

巡東風飛霖雨，一洗桃李塵。
快馬紫遊韉，來賞金精春。
連

林翠氣妙不動時作佛髻螺頭青剝剝天壁面削起中
可建旂坐萬人豁然呀呀怫然憑憑蹲蹲者為虎豹兀
兀者為墉城千年老狢學春吟白日龍雷藏樹陰蓮花
峰下久無路時有樵子攀籐尋丹光出屋水泔泔白鶴
飛去栖桃林桃今幾熟枝尚青石田玉子無龍耕雲蒸
甌腹爛青飢雪凍地骨迷黃精靈君久矣鞭玉麟今作
天上何公卿崖前老竹屢生米夜有石犬當階鳴我亦
三生家石鼓花落花開不知數人間漁沫吹秦橋漫有
姓名刻洞府試為靈君覓杯水水中白晝青虬起便令

紫霧生風霆一舉直上九萬里

胡

寅

字明仲建寧崇安人宣和進士歷官至巖猷閣待制有致堂斐然集三十卷

和趙宣二首

徧遊南北與西東欲訪人間國士風處世甚踈皆笑我
宅心無累獨竒公詩才自愧非三上酒聖相從又一中
芍藥待開應且住莫令清賞轉頭空

冠月裾雲佩綠霞百年將此送生涯愁心別後無詩草
病眼燈前有醉花落筆擅場聊寫意背山臨水自成家
也須南畝多栽秫休似東陵只種瓜

踈山

手遮西日向書山到得昏鴉飲翅聞未暇捨香叅佛祖
且須撲被叩禪關月林散影森淨風磬傳音渺渺間
安得一廬通水竹杖藜來往寄踈頑

漱玉巖

山限混華夷夷水不得出澗壑相舂撞竟朽此山骨想
其初洞達借勢有神物劈開蒼石壁黥黥烏龍窟奔流
成長溪岩洞寒哭兀秉燭千步遊怪景纓彷彿華鬢結
乳頂空翠誰掃拂石田耕未熟石鼓音不沒靈仙已羽

化古廟凜紆鬱我來庠伏初弄水解纓絃清甘流渴肺
妙聽隱琴瑟兩腋御冷風回首嘆飄忽

陳東

與士絲遊金山翼日分袂

早別金山恰曉鐘離帆分破一江風瓜州渡口波聲遠
後夜相思明月中

京口瓜州一水間秋風重約到金山江山自謂離人好
不為離人數往還

王奕

字子陵號霽仙瑞安人

春暉亭為樂成擇川子作

昔人念親心何如喻比百草蒙春暉一川含綠草方長
滿地落紅春已歸草欲報春春忽改子欲養親親不待
嗟哉物爾人亦然對草無言淚如海陽春有脚還復來
今年花謝明年開慈親一去不復見畫圖空寫春風面
擇川有子思報親結茅作亭留白雲親思難酬春易過
獨立闌干怨春暮寄言孝子須惜時流光暗促親顏移
春盤薦脆須及早莫待酒澆墳上草

毛 开

題關山亭

捲簾新雨霽，伏檻孤雲沒。
心賞信無同，佳人眇天末。

月坡亭李耆明見菊

初陽散微和，晞露耿餘明。
引花吸其精，助我養修齡。
人生憑化遷，日夜枯與榮。
聊為寂寞遊，放此真率情。

我懷淵明真，千載猶神交。
重吟九日詩，風節殊未凋。
良辰不再舉，秋氣日以高。
淒飈送落景，餘歛塵霄萬象。
為我役天機，亦良勞摩挲。
膝間祠感此，髮下焦時時出。
奇音散我心，鬱陶

王汝舟 字公濟 婺源人

翠微峯

塵囂十里清，秀嶺半空插。
縈紆疑無路，兩石開一峽。
豁然見天宇，四顧皆峭拔。
入門上石級，僂僕如登塔。
懸巖置樓殿，飛棟相叵匝。
徐行雲影動，低語谷聲答。
仰視絕壁間，勢恐千仞壓。
側身過幽谷，洞口若呀呷。
仙英去何許，遺像寄山脇。
浴池弄清泚，不敢着腳踏。
願余倦遊者，一宿借雲榻。
天風吹夜籟，客興亦蕭颯。
幽尋約重來，吾屐當再蠟。

鄧溫伯 字潤甫

道中咏懷奉寄利州允南使君

交印夔人國分襟
汴水堤十年難會合
一夢頓垂暎官
序潘生拙詩文庾信齊
諸公多汲引憲府屢提携
不肯乘聽馬那能出寶雞
安括輕世味洒落見天倪
照物聰明決為邦問望躋
笑談清岸獄暇豫勸畊犁
不忍為鉤距何嘗設町畦
燕堂傳夜燭游轂碾春泥
眾服題鸚鵡疇將食馱驥
草黃思準擊梧碧值鸞栖
欲問無來使開編有舊題
君方安玉壘子亦遠金閨
地隔江波濶書傳

鳥翼稽豈知，雙鬢白相見。兩當西內顧，微他技殊私。牧
遠黎辭親，愁不斷叱馭。意空迷吳苑，飛雲杳秦城北。斗
低南山千里雪，劍閣萬盤礫。夜宿星邊驛，朝行石上溪。
深疑窺地軸，高駭躡天梯。看岫時歌帽，聽泉或杖藜。蕭
蕭黃葉下，裊裊冷猿啼。蜀道無艱險，人心漫慘悽。永懷
持從索，遙想綴朝圭。直北瞻天日，征西疊鼓鼙。相期群
齋冷清話，看揮犀。

張舜民 字芸叟 邠州人

京兆安汾叟，赴辟臨洮幕。府南舒李君，自畫陽

閑園并詩以送行浮休居士為繼其後

古人送人贈以言李君送人兼以畫自寫陽閑萬里情
奉送安西後辟者澄心古紙白如銀筆墨輕清意滿洒
短亭離筵列歌舞亭下喧喧簇車馬溪邊一叟靜垂綸
長橋畔俄逢兩負薪掣臂蒼鷹隨獵犬聳耳驅馱扶直輪
長安陌上多豪俠正值春風三二月分明朝雨挹輕塵
客舍青青柳色新主人舉杯苦勸客道是西征無故人
殷勤一曲歌未闕歌者背淚沾羅巾酒闌童僕各辭親
結束韜滕意氣振稚子牽衣老人哭道人行客皆酸辛

唯有溪邊釣魚叟寂寂投竿如不聞李君此畫何容易
畫出漁樵有深意為道世間離別人若箇不因名與利
紅蓮幕府盡竒才家近南山紫翠堆烜赫朱門當巷陌
潺湲流水繞亭臺當軒怪石人希見夾道長松手自栽
靜鎖園林鶯對語密穿堂戶燕驚迴試問主翁在何所
近向安西幕府開歌舞教成頭已白功名未立老相催
西山東國不我與造父王良安在哉已卜買田箕嶺下
更看築室穎阿隈憑君傳語王摩詰畫箇陶潛歸去來

板子磯

石上紅花低照水
山頭綠篠細含烟
天生一本徐熙畫
祇欠鷓鴣相對眠

李師道

游潛山

肩輿轉閑隨俯仰
不憂弱水澄方丈
細霧縈盤上白雲
剛風肅肅天森爽
夏木陰濃四月寒
澗流觸石鳴驚湍
到身已喜在福_地肯問元都何處壇

沈 偕 字君與 吳興人

遺賈耘老蟹

黃杭稻熟墜西風肥入江南十月雄橫跪滿跚鉗齒白
圓臍吸嗚斗膏紅蓋須園老香研柚羹藉庖丁細擘蔥
分寄橫塘溪上客持螯莫放酒杯空

王珩

三江亭和邵守潘公韻

潘郎未覺鬢毛侵佳致乘間得得尋遠岸渺茫分古渡
飛甍虛敞快人心融樽想見頻頻玉季諾由來雅勝金
野老固慙東閣客何妨同作醉翁吟

汪思溫

三江亭和郡守潘公韻

危亭聳觀與雲侵。勝概何勞杖屨尋。回合江山真有意。
去來鷗鷺本無心。歡聲洋溢均千里。好句清新抵萬金。
四海倚需經濟手。豈容長對白頭吟。

宋詩拾遺卷十四目錄

胡仔

五首

宋

肇

三首

徐大受

一首

程公輔

三首

林

通

朱勝非

一首

蘓

為

三首

宋之才

一首

毛

衷

一首

張

莊

一首

魏

宗

一首

李正民

三首

陳少垣

五首

胡直儒

三首

王開詩

一首

程

頤

一首

陳少成

二首

陳

岡

二首

陳叔信

二首

蘇

過

二首

楊孝本

三首

高

一首

張

澂

五首

王庭秀

一首

葉清臣

四首

李公異

三首

宋詩拾遺卷十四

錢塘陳世隆彥高選輯

胡

仔

字元任烏程人自號苕溪漁隱宣和間任建
安主簿著有叢話百卷

苕溪漁隱詩

善
余卜居苕溪日以漁釣自適因自稱苕溪漁隱臨流
有屋數椽亦以此命名僧了義喜墨戲落筆滿洒為

余作苕溪漁隱圖覽景攄懷時有鄙句皆題之左右
既久益多不能盡錄聊舉其一二云

溪邊短短長長柳波上來來去去船鷗鳥近人渾不畏

一雙飛下鏡中天

秋雲漠漠烟蒼蒼蓮花初白蓮葉黃釣船盡日往來處
南村北村杭稻香

捲起綸竿撒釣歸短篷斜掩宿漁磯日高春睡無人喚
掠撩亂楊花繞夢飛

月夜

青玻璃色瑩長空爛銀盤挂屋西東晚涼徐度一襟風
天分風月相管領對之技癢誰能忍吟哦自恨詩才窘
掃寬露坐廢興新浮蛆瑛瑛拋青春不妨舉盞成三人

黃白菊花

何處金錢與玉錢化為蝴蝶夜翩翩
青絲網住芳叢上
閒作秋花取意妍

宋 肇

三峽堂

林巒十里上巉巖飛檻初憑縹緲間
夔子風烟依白帝
夜郎耕稼接烏蠻砌橫亂石遙臨澗
門對高峯近帶山
咫尺驚湍吁莫測每來登此念鄉閔

初尋磴道踏雲烟漸引茅簷屋數椽
江影動搖波面日

山光隱見峽中天，放懷樽酒憑闌客。
回首絃歌赴市船，要與舟人同此樂。
移花種竹滿簷前。

白帝城

江雨霏霏白帝城，秋草未枯春草生。
古來戰壘如雲橫，萬里瞿塘斷人行。
至今三峽路崢嶸，時清不見更屯兵。
荒涼廢堞沒春耕，但見牛羊日西平。

徐大受

鶴翎花

九葩一萼鶴翎紅，開落梅黃烟雨中。
千葉青蓮無路入。

不知春在石橋東

陳公輔

字國佐臨海人政和三年上舍及第官至禮部侍郎有文集二十卷

淨明寺閱藏經

三載工夫三藏經非禪非道亦非僧但憑方寸行諸善
也是如來最上乘

廣慈院

來時膏雨迷新野去日薰風吹舊林寄語主人休惜別
白雲南北本無心

天封寺

晴雲漠漠水潺潺危閣春歸白日閑若問祖師消息處
眼前環列是青山

林通

穿石崑

樞判以來不計年斯崑體樸本渾然鑿開混沌鴻濛地
透見明通公溥天老去投林得幽趣困來枕石聽潺泉
時烹山茗供清興猿挂古籐鶴避烟

朱勝非字藏一蔡州人

天勝寺古檜寺吳興時作

雷霆起蟄蚪夭矯勢欲上忽然作此木尚作擘雲狀婆
娑枝幹垂生澁紐結狀啣經不能記父老那可訪晉杉
定儕類蜀柏豈輩行櫟夢何足神槐語固已妄自無斧
斤憂未始疑大匠

蘇為字

人曾知吳興縣

雪上

戾野艇閒撐去湖天景亦微春波無限綠白鳥自南飛柳
色濃垂岸山光冷照衣時携一壺酒應到晚涼歸

宣城花

宣城花疊障樓前簇綺霞若非翠露陶潛宅即是紅藏
小謝家

邵武作

愛重八九月登臨高下樓林紅雲白處寒瀨泊漁舟

宋之才

字廷佐瑞安人登宣和第

隆山院

危磴盤雲杪驚濤漲晚空江山端有待杖履偶相同孤
塔蒼茫外千帆杳霧中誰知丘壑趣未縛軟紅塵

毛 表

賀州作

政和間毛衷知賀州有惠政
任滿將歸值方臘亂遂家焉

幾年宦迹浪江湖到此功名心已無
獨上高樓翹首望江郎山下白雲孤

張莊

陪龍圖閣直學士經略王公若愚與提點刑獄
劉子至提舉學士唐夢傳觀稼近郊遂過傲雲
諸閣大觀元年五月十六日

山甫遙歸有詔期省耕聊復輝幢麾翠峇恰似千旗密
綠野何妨萬馬馳鵬鶚精神元老貴鼎彝功業太平時

自惟晚進誠天幸偶附台躔每處隨

魏宗

石橋

聞說招提景曇花結翠雲晴光朝更合嵐氣晚來分梵
語微茫韻鐘聲杳靄聞無由問禪法坐對柏爐薰

李正民

字方叔揚州人忠官徽猷閣待制流寓海鹽

海月亭

新亭注目了無邊脫屣塵寰思杳然萬頃秋濤翻浩淼
一輪明月對虛圓光生雲漢疑無地望斷蓬萊別有天

赤水棗花君莫問新詩廢唱似朱絃

題清節軒

新種修篁翠葉稠凜然清節坐驚秋
官曹咸類崔斯立風味仍同王子猷
暫却鷺鷥仍退食他時鸞鳳小遲留
吟哦自是名家事我亦身閒愧食浮

題一擊軒

本來無物可修持一擊當年何所知
拱手問師都不語等閒拈起布毛吹

陳少垣

憶西湖

游夢春成昨東風感舊題
江流如汴水柳色似隋堤
地重天王塔山寒處士樓
最憐三月暮愁眼為花迷

黃金臺

峩峩燕中臺悠悠易上水
懷哉燕昭王招彼天下士
士貴相知深豈為多黃金
築臺置黃金自是君王心

周公輔別業

同余栖隱地只在白雲根
野草行無路孤舟入有門
已存栽竹地不買種桃園
眼底饒蒼翠南山帶北村

湛江歸自浙西

尚憶滄洲舊釣舫，一瓢收盡浙江靈。
鬢敗北斗憐歸鶴，眼暗西風悔聚螢。
蚌浦有光秋孕月，劔床留恠夜眠星。
首不堪雨外重，回音塔壓吳山青。

太真圖

繡帕香鞵玉履麟，侍兒扶上不勝春。
如何攬轡宮階日，却把中原踏作塵。

胡直儒字少汲宣和時人

與劉邦直

夢魂南北昧平生邂逅相逢意已傾
楚國山川千疊遠
隋堤烟雨一帆輕
我無健筆翻三峽君有長才肅五兵
足同是行人共分手不堪風雨作離聲

河朔作漕日和同官陳亨伯山字韵

章句飄飄續小山古風蕭瑟筆追還
海鵬共擊三千里
鐵馬同歸十二閑
功業會看鐘鼎上聲華已在縉紳間
他年記憶憐衰老為報西川引一班

春日

風雲吹絮柳飛花睡起鈎簾日又斜
四海隨人雙燕子

相逢處處作生涯

王開詩

宣化堂

聖主端居念遠民
盡將休戚寄斯文
時來宣化堂中坐
應念田中正苦辛

程頤

嵩山

鞭羸百里遠來遊
數日陰雲暝不收
遮斷好山教不去
如何天意異人謀

陳少成

露坐

露坐當中夜誰家夢正迷
行人在邊戍孤月到深閨
天迥斗橫北海寒風自西
庭前有高樹分借老烏棲

曉思

南樓捲書坐極目動清
野色春千里晴光曉萬家人耕
烟外草烏啄樹頭花記得
夜來夢清天飛日華

陳

岡

字士元平陽人

有客

有客來松下呼童掃石根
人家黃葉市烟火夕陽村移
席更臨水看山不閉門
往來知夜久衣露濕秋痕

柳色

曉色烟光捲作晴
依依涼動水天清
長堤舊恨吹難盡
別路新愁掃復生
香送淡雲隨絮遠
暖和春雨拂枝輕
莫將嫩綠飄零亂
猶有春衣染未成

陳叔信

遊龍隱岩

幾年鱗甲蝨清淵
一旦飛騰石自穿
遺跡漫存離舊隱

定應銜雨去朝天

洞口岩高著數椽
秋鈴聽法護金仙
騰身一蹶天池後
雲霧於今尚滃然

蘇過字叔黨東坡子有斜川集

小雪

沈沈五侯居碧瓦
映華枕獸炭麒麟
紅銀瓶黃封揭春
風繞幄帳醉面生
綺纈賜宴明光宮
玉色迷金闕誰憐
華門士破壁吹飛屑

送晏秀

三年避地少經過十日論詩喜琢磨自欲灰心老南嶽
猶能罌足慰東坡來時野寺無漁鼓去後閒門有雀羅
從此期師真似月斷雲時復挂星河

楊孝本字行先虔州南康人官直秘閣

大觀二年戊子三月二十九日請假祀墳和族
人升之韻

連日陰雲拂曉開歡聲九族一時來江山奇秀渾如畫
鼓樂喧闐却似雷三爵香醪澆故壠滿天春色絕纖埃
慙自從菲德叨榮甚八行初從帝里來

步韻奉醉林郎守

六槐何日起商岩未許蟠龍卧碧潭天下蒼生還有待
郡中善政却無慚錦囊珠玉成咳唾綺席風雲出笑談
千載通天蒙品藻恐教虛譽滿江南

家中條舊素貧塵編堆積漫續紛未甘末俗成虛老
唯却笑勞生漫逐群為愛嚴陵灘上月還思巢父嶺頭雲
閭閻莫怪衙門陋旌節曾來有使君

高荷字子勉

國香詩并序

國香荆渚田氏侍兒名也黃太史魯直自南溪召為
吏部副郎留荊州乞守當塗待報所居即此女比鄰
也太史偶見之以為幽閑姝美目所未覩後其家以
嫁下俚貧民因賦水仙花詩寓意云淤泥解出白蓮
藕糞壤能開黃玉花可惜國香天不管隨緣流落小
民家俾余和之後數年太史卒於嶺表當時賓客雲
散此女既生二子矣會荆南歲荒其夫鬻之田氏家
田氏一日邀余置酒出之掩抑困悴無復故態坐間
話當時事相與感嘆余請田氏名曰國香以成太史

之志政和三年春客京師會表弟汝陰王性之問太史詩中本事因道其詳性之文詞俊敏好奇博雅聞之附驥太息曰可留之篇咏為一段奇事因為賦之且邀諸公各作一篇云

南京太史還朝晚息駕江陵頗從歎綵毫曾咏水仙花
可惜國香天不管將花托意為羅敷十七未有十五餘
宋玉門墻迂貴從藍橋庭戶恠貧居十年目色遙成處
公更不來天上去已嫁鄰姬窈窕姿空傳墨客殷勤句
賴聞道離鸞別鶴悲藁砧無奈鬻蛾眉桃花結子風吹後

巫峽行雲夢足時田郎好事知渠久酌贈明珠同石友
憔悴猶疑洛浦妃風流固可章臺柳寶髻犀梳金鳳翹
樽前初識董妖燒來遲杜牧應須恨愁殺蘇州也合銷
却把水仙花說似猛省西家黃學士乃能知妾妾當時
悔不書空作黃字王子初聞話此詳索詩裁興漫悽涼
只今驅豆無方法徒使田郎賦國香

張 澂

孝義寺

城東孝義寺仍說卧水池雖贖猶堪劄前賢况可師香

銷春殿冷樓壓暮鐘嘶末俗逾偷薄哀懷欲涕洟

原潭

露漿依灘急霜飈入鬢清秋痕到晴樹江勢擁孤城野
鶴疑仙分檣烏伴水程故園千嶂外白首不勝情

清源寺

野山縈小樹翠麓訪禪家殿古燈無焰霜濃菊自花寒
烟深橘柚雜樹矯龍蛇歸路綿岡隴寒風無凍鴉

峩峩嶺

晨登峩峩嶺危欲搏青冥安得秦六甲鉅鑿使之平

井山明真觀

峭嶺青葱曉騎迷地偏心遠愛林扉人家歲晏川坻靜
場圃功成鴈鷺肥雷嶺泉深方澤潤井山丹就已空飛
經行不為山林約結想烟霞自翠微

王庭秀

西湖

新城中十頃湖雲水相演樣春風破冰谷拍岸斯流漲平
銷鴨頭綠澹沱葡萄釀朱蠶媚孤嶼梵宇麗相向萬瓦
生清暉千花聯錦帳晨曦照炯炯芳氣浮泱泱日暮姿

態妍烟霞渺空曠誰將水仙鏡聊借詩人杖卧護五羊
城追懷老詩將微吟示清野塵戰得閒放變化無端倪
虛無落名狀坐令湖上景勝絕神宇王當時經行地
麗隨屨杖斯人今則亡物色亦摧喪他年牛馬走曾拜
丈人行塵埃久漂泊歲月成漫浪問訊懶堂居舒信道
築室湖
西日松菊忻無恙尚憶壁間聲時廢朱弦唱撫事重興
懶堂嗟陳迹徒悵望我公十洲詩風月為悽愴

葉清臣

大慈寺

佛隴山沉茂草平林間猶作誦經聲一心三觀休分別
秋靜山高海月明

石橋寺

一徑涼飈響萬松青霞紫霧祕爐峯寒生別殿前溪雨
聲到諸天午夜鐘仙境月高猶駕鶴陰潭雲起舊降龍
出塵境界無多地已上金庭第七重

廣思寺

雲中老樹冷蕭蕭溪上僧歸倚畫橈誰為秋風乘興去
松聽先聽富陽潮

送梵才大師歸天台

江水望不極，楊花江面飛。
春風自無定，遠客又言歸。
景勝詩逾老，心宣語亦稀。
從來林下意，為謝北山薇。

李公異

北固樓

北固橫江盡，東南第一州。
六朝都在望，回首倦登樓。

花山魏公園

當年花草徑，滿目舊林亭。
無復東山妓，空門苔蘚青。

萬歲樓

萬歲名虛得興亡已屢移樓頭秋夜月當只似當時

宋詩拾遺卷十五目錄

趙鼎 四首

周邦彥 二首

王商翁 一首

卜祖仁 一首

馬莊武 一首

李邴 三首

范宗尹 一首

李訖 三首

許景澆 一首

朱升之 一首

顧祿 一首

吳濤 四首

蘇籀 五首

任三傑 一首

陳曦 一首

張浚 一首

朱敦儒 二首

郭知處 一首

陳謹 二首

王希呂 二首

李侗 三首

吳曾 一首

呂大器 一首

易謙 一首

高襲明 一首

劉端之 一首

米仁友 四首

劉穎 一首

謝 一首

辛棄疾 九首

滕廣 一首

周師成 一首

宋詩拾遺卷十五

錢塘陳世隆彥高選輯

趙

鼎字元仲開喜人崇寧中進士隨高宗南渡累

官殿中侍御史

紫霄圖

羣山邀我遊蓬島白鶴隨人拾瑤草
英靈指點洞門開前行後擁商山
皓崎嘔石路燕尾分露濕蟠桃壓竹
劍一山萬山雲氣深琅玕珠樹霜風
老王喬縹緲自天下世許高情兩相
好中有一人字安期笑捧金盃具瓜
棗食之令人可長生遨遊八極登天
行有時一日三萬里

西風鶴骨霞衣輕，有時亦復一暫息。
長歌一曲煙雲凝，高垂鐵鑠蒼苔古。
云是神仙紫霄圖，芒鞋竹杖躡步間。
丹鳳飛來向人舞，雲中雞犬異人世。
葯鼎丹爐用心苦，開軒一飲三百杯。
簷花亂落天飛雨，青紅黑綠亂眼前。
萬草千花莫能數，茫然拂袖下山來。
白髮婆娑鏡中覩。

喻弥佗收掩遺骸

骸骨鱗鱗鱗鱗擬當作 曠野昏天陰雨濕，向誰論。縱然有樂

踰南面爭似無為實相門。

題常山草萍驛

纔過常山到草萍，驛亭偏喜雨初晴。
麥畦水漲黃雲重，柳絮風吹白雪輕。
身世自今忘俗慮，官途從此快吟情。
魏公已報江西鎮，猶有甘棠頌政聲。

贈永平寺僧了空

何虛忝無地，著纈塵獨鶴。
孤雲寄此身，琴擅法門廬。
臯月詩傳心印，武林春少陵。
深契贊公語，惠遠能陪陶令真。
擾擾今誰同，此趣容車山下雨。
聞人

周邦彥

越臺曲

玉顏如花越王女自小嬌癡不歌舞嫁作江南國主妃
日日思歸淚如雨江南江北梅子黃潮頭夜漲秦淮江
江邊雨多地卑濕旋築高臺勻曉粧千舸命載越中土
喜見越人仍越語人生腳踏鄉土難無復歸心越中去
高臺何易傾曲池亦復平越姬一去向千載不見此臺
空有名

鳳凰臺

危臺落盡碧梧花勝地悽涼屬梵家鳳入紫雲招不得
木魚堂殿下飢鴉

王商翁

白雲寺

幽人何處住古寺白雲高
問路不知遠到山方覺勞
半窗看竹石一枕聽松濤
我亦清幽者烹茶讀楚騷

卜祖仁 字

嘉郡人

陳山龍湫

陳山蒼蒼東海頭石壁裂缺藏靈湫
老髯出水歛萬丈青山倒挂黃金虬
神光上騰接烟靄挾子櫻珠浴滄海
兩公戲雨推雷車閭門開叩真宰
今年亢旱民罹決

動我侯憫憫心若傷精誠披露黎廓沛然甘澤來滂滂
俟今官轉吳興去回首神峯隔天宇願言變化從雲龍
大為蒼生作霖雨

馬莊武 魏右洲

烏林行

荊州兒曹不足恃何物老瞞敗一世兵語甚奇浪語十三篇
不料烏林出奇計隆準雲孫驅伏龍紫髯強援要江東
冰戈船值羽蔽寒日雪濃奔崖驚晚風行間一卒如兒戲
持火絕當作戔戔江人不意灰銷漢賦終老心功入喬家入

年壻君不見華容道傍春草生魂銷不聽車馬聲哀猿
夜啼霜月冷空餘野燐沙邊明

李

邴字漢老濟州任城人崇寧中進士高宗時為

兵部侍郎

白蓮菴

在新昌
南山

宴坐鵲巢肩觀花柳生肘幽人夜半至古月明戶牖

寶林寺

青燈映獨宿世事忽如遺一榻寒無夢高齋靜見詩長
空消海氣遠壑淡幽安欲問無生意高人不可期

雪軒

在叢山
戒珠寺

四山環繞翠苔荒
想見凌晨雪未消
四萬八千修月手
不知何處琢瓊瑤
偏

范宗尹

大有空明洞

知暫到山中
禮法壇空
明雲氣逼
而寒當年孤鶴
是何處
遙想天風墜羽翰

李訖

謁丞相祠觀八陣圖

人言忠孝不磨滅
神物護持存水滸
千年陵谷幾變遷

此石不移自章武本由黃帝古兵法六十四以八為伍
失髯孫且懼仲達走賊操遊魂何敢拒刻銘沙石水底碑
教戰石存山下鼓一片丹心天地間萬世聞風猶禦侮
我來起敬凜如生再拜一言公必取滾流東截陣圍前
寢隳城壁頽民宇能安券石止波流願回滾惠思民撫
常使夔人知感公踏蹟年年弔千古

控巴臺次韻

翠岸紅燈寄語要自江南看來多景齊雲樓下當年使
鷓鴣招回

仄誰道地拘樞窄須知天闊幽妍一段丹青臺閣何人沒
掃松烟

許景亮

字

永嘉人

陶隱居丹室

金鷲亂舊直鶴駕脫虛氛真隱雖高世嘉謀亦相君石
壇移曉月丹灶覆寒雲瑟瑟松風在時人自不聞

朱升之

相湖

世路羊腸淹容遊塵纓來此濯清流半窗修竹翠含雨

一片澄湖冷，清秋地僻。
莓苔侵石几，樵忘鷗鷺近漁舟。
夜涼酒醒，未能睡，詩句欲成搔白頭。

顧祿

淵明祠

黃閣彤扉盡宋臣，
歸來松菊伴閒身。
舉頭誰識悠然意，
只有南山是故人。

吳

濤

字德邵，吳沆之兄。

端居

時乖事轉拙，端居徒含情。
不似堦前草，春來隨意生。

仲春

雨餘寒氣淺園林作春媚不知海棠花新來著花未

暮春

遊子春衫已試單桃花飛盡野梅酸恠來一夜蛙聲歇
又作東風十日寒

山居

村翁習性不浮華只種桑麻不種花聞道野梅開欲遍
好分春色過山家

蘇

籀

字仲滋文定公轍之孫官至監丞南渡居婺
女三十年有夷溪集十五卷

木犀花

何處開國薤珍木秀巖谷高標蕙蘭枝妙輯沉麝酷葉
葉秋聲中霏霏蚤英萼介特有如松繁華豈慙菊勅蔚
襲軒墀薰沾滿衣服情人擢纖指拾藥動盈掬藤蕪見
離騷苓藿入譜錄卉裳未可更鮑肆或爭逐亂插琉璃
瓶於斯殊不俗

次韵范子儀東山之什

東隅嶺嶠紆層出濃翠春粒日夕佳僧老林丘黨獫狫
地靈山澤產龍蛇井泉移得天台脉洞壑時開閬苑花

可笑籃輿趁斜日白雲回首梵王家

孫子安見招遊鼓山

呼船起柁乘潮平掠窗飄箔踈雨傾激石枕流東道主
梯風沫雨吾嘗行百尋懸瀑瀉紳佩兩邊喬木翔枅甍
乞漿滿甌牛乳粥縱橫下筋駝疏羹躋摩頂趾歷磴術
牽挽葛藟披荆榛荒浪揆差復奄靄巖巒巒巒仍稜層
嗶烟嘯雨猿鶴宅絕山航海樵魚能草衣穴處避世士
木食澗飲安禪僧芝房雲閣無盡藏月屏風幌長明燈
笑看闌闌一蟻蛭揮斥氛祲投蠻藤經行石竇解滕屨

飲灌匏杓設淄澠莫嗔踏碎蒼苔色莫嫌汲濁陰井清
膏肓泉石有裁鑿騰蹕巖嶸試股肱要識石鼓真面目
立置枕几非繪繒風吹楊葉北山下欲問故老知誰磨
市朝一夢爭奪際山海蕭散堪伏膺

和卷中韓子蒼梅花

先開媚晴昊孤艷斷魂時繞樹沈烟度凌雲檀暈披參
橫明月觀雪細影娥池結寔冥冥雨君看雀啐枝

仲秋苦熱

老火新蒸鼎竈然柔金低伏聽爇煎虛窓疊巘攢三萼

冷枕青飈直萬錢俯仰生涯特林井包躔冠紱晒龍氈
朝蠅夕蚰嗟何集山雪河冰渴沃漭子夜涼生秋思肇
午時炎熾赫曦鮮蔭饒華梢單絺叟嬉愛清川泳月船
中幘垢氛勤贖濯果看刮剝萃新妍芸夫望望瞻雲漢
銀鶴聲聲淚碧天瀑水何山千尺雪洗心安得賞懸泉

任三傑

姜山

天風吹我登姜山前巖後巖相對閉已從積雨得深潤
更趨浮雲同往還世外空青覆茅屋屋外涼風吹紫竹

挂冠何日賦歸來
煮石篝燈洞中宿

陳 曦

姜山

春山多少雨染出
碧雲堆巖冷溜常
滴人閒洞自閒
摘花香入袖題石
筆黏苔茅屋在何
處桃花流水來

張 凌

朝陽巖

已覺雲天濶風聲
四面涼路幽遲晚
日岩古澗流香客
舍長年靜漁舟底
事忙相逢賢太守
不用管絃將

朱敦儒 字希真洛陽人

小盡行

簾州三月作小盡梧州三月作大盡哀哉官曆今不頒
憶昔昇平淚成陣我今何異桃源人落葉為秋花為春
但恨未能與世隔時聞喪亂空傷神

絕句

青羅包髻白行纏不是凡人不是仙家在洛陽城裏住
卧吹銅笛過伊川

郭知虔 字孟始

人紹興十三年授迪功郎

秋日憶次張弟

秋風吹落葉，獨客異鄉心。
生計憐吾拙，窮愁念汝深。
面經三載隔，老惜二毛侵。
飄泊南飛鴈，何時返故林。

陳謹宇

人官提刑

遊玉岩

預作重陽半日遊，行厨望客屬鰲頭。
樽前綠橘當時菓，嶺下清泉徹夜流。
新竹未斑秋正好，晚禾纔熟歲仍收。
使君須盡登臨興，行捧天書未許留。

同向天岩最上游，詩翁來見九螭頭。
僧房為映川原好

野水空隨歲月流，玉節朝天行日促。
金風驅雨暮雲收，已暮大字鐫山骨。
要與匡廬萬古留。

王希呂

字仲行，宿州人，寓居嘉興，官至尚書。

入直賦景物

玉堂晝永暑風微，
簌簌飛花落小池。
徙倚幽闌憑問訊，
夏鶯飛出萬年枝。

本覺寺三過堂

門外驚風吹細沙，
入門水氣湛清華。
呼童試向林間看，
巖桂應開第二花。

李 侗 字愿中 緱浦人 朱子之師 學者稱延平先生

舍上辭歸羅豫章先生

學道求師久 劍潭豈緣枯朽預 濡涵致知事業同 歸理
克己工夫判立談 未借老商顏笑一已 偕韓氏俗重三
過庭若問論詩禮 應問從誰學指南

梅林春信

積雪千林凍欲摧 倚欄日日望春回 天公為我傳消息
故遣梅花特地開

靜菴山居

勝如城外宅花木擁檐前一兩晚時過羣峰翠色鮮採
荆烹白石接竹引清泉車馬長無到逍遙樂葛天

吳曾

羅山

牽兒時聞羅山窟穴居神仙念念每欲往終為俗累遷茲
辰復何夕風日媚晴暄偶與二三子徑來踐前言崎嶇
涉岡澗峭蒨凌雲烟崖斷或如瀉坡平俄若川有泉何
自來便覺聲涓涓縈紆若蛇走往注山腹田徘徊一濯
足入袖風翩翩俄登最高嶺中觀屋數椽嶠老石像

摩挲不記年
桃花破叢管
一笑為嫣然
石屏與翠壁
擁從相後先
物色恣觀覽
萬界滿眼前
適問同遊人
茲為第幾天
不然何秀拔
不與眾峰連
長安在何許
無乃落日邊
十年苦搶攘
戰血腥戈鋌
誰知塵外客
一壑能自專
徜徉得此樂
疑已飄飄然
茲遊惟恐再
遲留不能旋
如何林間月
弄影明娟娟
催歸來恨早
正恐陵谷遷
到家追悔甚
誓將世務捐
却尋向來路
迹斷難拔援
春雨正濛濛
密澗水鳴潺
溪徘徊不可上
愧爾無仙緣

呂大器

字

壽州人

訪桂大受宿勘上

先歷隋唐幾百秋
殘編蠹簡可尋求
四圍鏡石皆蒼蘚
幾曲蓬灘遠碧流
唐代尚書微往蹟
秦時博士想前謀
遙古帝西山勘
指點桑林作故丘

易謙

過梧州

城空花燭爛樓向雨
蕭條毒草春生瘴
蠻江晚上潮魚肥
堪拖釣鳳去不聞
韶萬里交持節恩
波賴聖朝

高襲明

瀛巖

溫台萬丘壑走遍成重脰佳山落床頭咫尺反不知我
聞楚老說山乃神所移蓬萊本三峰一峰今失之上干
雲霓秀下壓鰲背歌夜半見海日紫暈開咸池魑魅看
老木狂飈向人啼危亭無遺棟絕壁無舊題夫子勇我
過竦身敢獨躋我病不能從夢寐常追隨秋風海上來
霜清紉正肥行尋越溪鞅肅此塵外鞿

劉穎

西湖再開呈張經略

持節南來聳百城，就分帥閫握邊兵。盡令殊俗窺風采，更許佳山托姓名。峴首要須刊偉蹟，習池底事著狂生。風流人物今宗主，物物俱蒙不朽榮。

滕 廡

和劉穎呈張經略韻

隱然重望壓邊塵，號令風生玉帳兵。詩思江山真得助，威聲草木盡知名。要令萬頃窺黃憲，不把千畦付麴生。坐使勝遊還舊觀，追隨那得勝公榮。

劉端之

雨花臺

六朝宮苑帝王州何事興衰若置郵
可是戰爭收拾得却將歌舞破除休
千門靜鎖梧桐雨萬堞深籠薜荔秋
試向雨花台上望夕陽烟火替人愁

謝

字民師

人

戲題指紋聞牛圖

左者前其角右者後其足
浼君雙指螺戰虬兩殼鯁草
長水遠日悠悠不向桑間自在休
蝸頭尚可屠蜚觸壁上從今聞二牛

周師成

新亭

昔日新亭今已舊百年名義尚如新高談座上無安石
洒淚尊前有伯仁對雨飛來帆影亂傳音吹過羽書頻
青天更喚當明月且放清輝照坐人

朱友仁字元暉

題大姚山圖三首

廣文當日官雖冷可奈才名振世何他日君家雖炙手
而今聊復在堪羅

愛老年尚喜管城子更看好山江上青
武林秋高曉欲雨

正若此畫雲冥冥

三茅別有洞中天我欲山居屏世緣
累行積功多蛻舉
玉宸欣有地行仙

為蔣仲友題畫

亂山深處是烟霞雨暗晴暉日夕佳
至識先生曾到此
故留戲筆在君家

辛棄疾

武夷九曲棹歌

第一曲

幔亭峰
仙畫鶴
獅子峯

三姑石
投龍洞

大王峯
換骨岩

真昇洞
漢祀壇

山上風吹笙鶴聲
山前人望翠雲屏
蓬萊枉覓瑤池路
不道人間有幔亭

第二曲

瓶音岩
玉女峯

車餞岩
三杯石

煉丹爐

虎嘯岩

玉女峰前一棹歌
烟鬢雲髻動清波
遊人去後楓林夜
月滿空山可奈何

第三曲

架壑船

試劍石

聞道仙人舊避秦
愛隨流水一溪雲
千崖望斷無尋處

時有漁樵却見君

題四曲 大藏岩 金鷄岩 仙橋岩 題詩岩

千文 天翠壁高定誰狡獪插遺樵神仙萬里乘風去
更渡槎枒箇樣橋

第五曲 鍊笛亭 晚對亭 精舍 隱求齋

止宿寮 寒栖館 石門塢 仁智堂

觀善齋 酌磯 茶竈 大隱屏

山頭有路接紅塵欲覓王孫試問津
管向蒼崖高處見
三三兩兩 人

第五曲

天柱峯 仙掌峰 仙浴堂 山門
響聲岩 瀑布 陷石堂 仙迹石

巨石亭亭缺齧多懸知千載也消磨人間正覓擎天柱
無奈風吹雨打何

第七曲

鑄錢岩
水澗

觀山亭
一線天

石梯
遊仙溪

石臺
漁艇

自有山來幾許年千奇萬怪只依然試從精舍先生問
定在庖犧八卦前

第八曲

三層峰
鼓子峯

鼓樓岩
石棋盤

廬石

鐘模石

山中有客帝王師日月吟詩在釣磯費酬烟霞供不及
幾時西伯載將歸

第九曲 新村市

齊雲峯

毛竹澗

行盡桑麻九曲天更尋佳處可留連
如今歸楫疾如箭
不似來時上水船